

Ufficio Stampa della Provincia autonoma di Trento
Piazza Dante 15, 38122 Trento
Tel. 0461 494614 - Fax 0461 494615
uff.stampa@provincia.tn.it

COMUNICATO n. 407 del 28/02/2024

Traduzione in cimbro

Djung Orkèstra vo plasstruméntn von Euregio 2024: ma makse innschraim

[Cimbro] Di musik khennt nèt konfin: nà disan spruch, dar Euregio Tiról-Südtiról-Trentino lekk au a naüga editziong vodar summar boch vodar Djung Orkèstra vo plasstruméntn von Euregio pittnàndar pinn drai musik feroine von drai lentar. Schiar 60 djunge musitzìstn bartnse vennen von 20 sin atz 28 von höbiat 2024 atz Toblach, in Pustertal durchzomacha a boch in kompanjia pittnàndar pittar musik. An ende dar boch, di djungen taléntn bartn haltn kontzèrtn in di drai lentar von Euregio. 'Z mangda nemmen toal djunge musitzìstn von 13 sin afte 30 djar boda khemmen von Tiról, Südtiról un Trentino.

Dar Euregio schützt djunge musitzìst talentn

Da achtege editziong vodar musik boch vodar djung Orkèstra vo plasstruméntn von Euregio hatt 'z zil zo schütza djunge musitzìst talentn, machantese bokhennen, übar di natzionàln un linguistik grentzan un zuargemen zo maga faivan pittnàdar.

Di kontzèrtn

An ende di kontzèrtn vodar Djung Orkèstra bartnse haltn in alle drai di lentar: an vraita atz 26 höbiat 2024 in Trentino (bo boaztmaz nonet), an sántzta 27 höbiat in Grand Hotel Gustav Mahler vo Toblach un an sunta 28 von höbiat 2024 drinn in Promenade Concerts vo Innsbruck. Di djungen musitzìstn bartn soin durchgevüart vpn dirèktör Andreas Waldner (Tiról), Hannes Schrötter (Südtiról) un Franco Puliafito (Trentino). An àndadar kontzèrt bart khemmen gemacht atz 20 von prachant atz Mayrhofen, in tirólar Zillertal, antânto in trèff vodar österraischesche feroine von plasstruméntn. Di sèlln boda nemmen toal dar Djung Orkèstra vo Plasstruméntn vo haür soin inngeladet innzoschraibase in da gelaichege zait in spetziàl prodjèkt von djar 2025.

Zait innzoschraibase sin atz 30 von abrèl

Ma makse innschraim sin atz 30 von abrèl durch disan link: <https://bit.ly/orchestra-giovanile-euregio>
Dar toal boma mocht zaln innzoschraibase afte boch prüf voda Djung Orkèstra vo plasstruméntn von Euregio iz vo 150 euro un haltet inn ezzan, slavan, musik tèkstn un in viazo vor un vo Innsbruck, Poatzan un Tria.

Übarsetzt von Schaltarle vor di zung von Toalkamou vodar Zimbar Hoachebene

(cdt)